



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 七四四

偶齋詩草三十六卷（內集八卷內次集十卷外集八卷）

外次集十卷） 愛新覺羅寶廷 撰

寄龕文存四卷 孫德祖 撰

寄龕詩質十二卷 孫德祖 撰

寄龕詞四卷 孫德祖 撰

崇蘭堂詩初存十卷 張 預 撰

崇蘭堂駢體文初存二卷 張 預 撰

一

三九一

五二一

六七一

六九七

七七五

偶齋詩草 內集

光緒癸巳
季春開雕

筆記一則

言詩者動言三百篇此門面語耳三代下詩已成小道不過書畫之流詩人強援以示重殊可笑也聖人選三代下詩必別有取法雖李杜名篇亦未必盡取也謹按三百篇原無意求工所謂詩言志也後世詩則有意求工雖李杜詩之工者亦未必盡合三百篇而詩之不工者却頗有合者作詩者欲自高其詩品動援三百篇以標門面而實不能首首宗之取詩者亦欲自高其詩教動援三百篇以標門面而實亦不能首首以爲衡而取

偶齋詩草

筆記

之今詩與古詩已成兩道而大家同以門面語自欺而欺人誠可笑也余嘗謂於今取詩當分兩種一專取合三百篇者不必論其工不工乃合聖人詩教一專取其工但得不大悖三百篇即可取不必強作門面若害理傷教之作雖極工亦不可取庶免爲詩教罪人作詩亦當以此爲法雖不能首首宗三百篇亦不可但求工以悅俗而致敗詩教拙稿他日擬分四集合三百篇而工者爲內集合而不工者爲內次集工而不甚合三百篇者爲外集其不甚合而復不甚工者姑存之外次集雖

不足存究亦鉅費心血盡棄之亦可惜也若大悖三百篇者雖工亦不可存存之徒取悅俗目不惟聖人論詩必不取卽眞知詩者亦不取也

偶齋詩草

筆記

二

偶齋詩草序

光緒庚辰辛巳之閒紆每得朝報輒見中書省所錄侍郎寶公奏議區畫時政節概凜凜以爲王韓城孫文定後一人也壬午公典閩試紆幸出門下因得盡讀公所箸古近體詩宅心于虛靜無勞情苦慮理不鬱而辭不溺蓋馭文之首衝耳癸未紆來京師公已罷官就第紆與同門高嘯桐鳳岐卓芝南孝復方雨亭家樹並來覲公常服出見座間雜置江南所得瓦盆梅花無慮廿餘本宿日暖旭列坐花間公琅琅誦其近作紆以爲公雖

偶齋詩草

序

一

去官而神思弗輟道足以勝其遇矣乃比年以來累構家禍死亡相續極生人不堪之遇則皆遇之公委敷任命一宣之於詩嘗獨行入西山履危崖扶長松哦嘯終日弗出樵夫牧豎見者咸以爲異而不知公鬱伊之深姑以山水發其詩終且以詩殉其身也可不悲哉庚寅之春紆與公子伯莠遊昆明湖歸是日公亦適歸自西山相見於行館公曰予五稔三喪今復自患嘔泄且殆若果間歲有凶則余家人亦易盡耳旣喟且笑時張弼余同年侍側相顧慘怛莫得所對明年公薨又明年紆

僅得展公之墓而已嗚呼公慷慨大節多所建白而卒不竟其用淪爲詩人以終然紆每讀公詩未嘗不見公之慷慨大節也公詩手定爲內集內次集外集外次集凡三十六卷雨亭集資刊之芝南嘯桐董其役起癸巳訖乙未凡二十六閱月而成紆將仿帶經堂例別訂爲精華錄若干卷以事莫逮也公詩巧於敘悲析辭述情與查初白爲近間入長慶未嘗繁雜失統則骨勝耳鳴呼公窮其身而終存其名後生小子日抱遺集商確於荒山老屋之中寒暑無敢少間者旣以悲公之窮亦正偶齋詩草

序

二

所以慶公之存也

光緒乙未孟春門下士閩縣林紆謹序

偶齋詩草總目

壬庚集

壬子至庚申

奇居集

庚申至壬戌

元元集

癸亥至甲子

山阿集

甲子

學舌耕集

甲子至乙丑

鳴秋集

乙丑

歲餘集

乙丑

閒吟集

丙寅

偶齋詩草

總目

閒妙香集

丙寅

無謂集

丁卯

羅宿集

丁卯

窮奇集

丁卯

陽生集

丁卯

入官集

戊辰

白壯集

己巳

壬申集

壬申

田盤集

壬申

東遊集 壬申

養疴集 壬申

西山集 癸酉

望洋集 癸酉

零星集 癸酉

使越集 癸酉

癸乙雜抄集上 癸酉至乙亥

癸乙雜抄集下

鼠虎集 丙子至戊寅

偶齋詩草 總目

戊卯集 戊寅至己卯

後養疴集 庚辰至辛巳

使閩集 壬午 武夷集附

家居集 癸未

養拙集 甲申 駕言集附

飯眠集 乙酉 霜樹集附

痴望集 丙戌 霧看集題葉集附

抱孫集 丁亥 北山集妙峰詩草再游詩草附

解知集 戊子 游山詩草附

偶齋遺草 戊子至庚寅

偶齋社草 癸未至己丑

以上編年

鏡鸞集 乙丑

詠懷集 戊辰

冬興集 癸未

右內附集

七樂集 丁卯

田盤集 壬申

偶齋詩草 總目

西山紀游草 癸酉

右外附集

偶齋詩草內集卷一

壬庚集

壬子至
庚申

宗室寶廷竹坡著

送成書雲宜少畊入城

數日同游宿山寺此別未知何日至勒君到處莫題名
免人見題生別思

寺居集

庚申至壬戌

移居用陶公韻

貧賤無可居爰以寺爲宅興至卽移家不分晨與夕酒
掃勞近隣提携假壯役事畢沽濁醪歡飲坐敞席食罷

偶齋詩草內集

卷一

卽酣眠安然亦如昔同在天地間新故何分析

卽事贈宜少畊

雁飛古塞黃雲亂人哭西風白日寒大野塵昏山影暗
荒林霜重葉聲乾危亡在邇愁何用生死難知淚勿彈
幸得良朋暫相聚莫辭詩酒數盤桓

惜昔

小時嬉戲時明月曾照儂儂今廿一歲月尙與前同月
雖同儂獨異榮枯相判如隔世閉門不敢看月光恐月
見我添悲傷

元元集 癸亥甲子

補履

雙履盡敝如東郭首殘尾缺不可著幾番欲易力未能
勉強補苴暫藏腳吁嗟乎旣不能彈心補衮居廟廊獻
可替否從君王又不能屈身作吏涖州縣下爲愚氓補
闕陷堂堂丈夫乃學婦人功鬚眉怕教巾幘見履兮履
兮吾補汝未識汝可知吾苦此生事事不周全茫茫宇
宙誰堪補

我生

偶齋詩草內集

卷一

我生大不幸七齡母已終隨父參養大恩與慈母同旣
教復兼養瑣碎勞親喪時時復事事置我於胸中我年
日以長我境日以窮恨我無才能不能養親躬我昔未
飢寒日日勞父慮父今已飢寒我竟安如故父雖已飢
寒尙復代我憂我反若無事束手無良謀在我慈父心
原不忍責我而我捫心問豈自覺其可母恩旣莫報又
不報父恩寄語識我者毋以我爲人

墨

烏玉芬芳得最難龍賓十二鎮文壇精華不惜銷磨盡

遺蹟留教萬世觀

榴花

薰風吹破千枝火
暑雨敲殘一樹霞
顏色休驚太濃艷
知君原是熱時花

偶題

養生苦無技
遇事多迂緩
蹉跎年復年
漸不能飽暖
賣書買脫粟
歸來日已晚
汲井作薄粥
匆匆進數碗
今日喜已飽
明日誰暇管
衣食不能謀
望君恕吾懶

古劍篇

偶齋詩草內集

卷一

三

吾聞豐城有劍埋
獄底斗牛夜夜神
光起雷君出劍張
君死龍躍腰閒劍
沈水又聞澹臺持
雙行江中兩蛟夾
舟濤翻空拔劍一
揮大波裂斷蛟噴
血江雲紅更聞鴻
門高宴聚劉項
兵機突起華筵上
劍光橫逼漢王頭
玉龍穿雪纏雙將
君家此劍何年留
爲晉爲漢爲姬周
字迹磨滅不可識
一條秋水寒人眸
血痕斑駁凝紅星
當筵一掠西風腥
寒光撲面燈不明
滿堂恍惚蛟龍鳴
旁觀變色不敢近
繞身歷亂銀濤生
劍兮劍兮當年合
在英雄手今日何
緣爲君有胡不持
此立奇勛使劍與
人

同不朽否則慨然割愛贈奇人
俾渠縱橫決盡仇人首
噫吾生豈無不平事
幾度摩挲未敢試
窮愁短盡書生氣

經故居

我昔戲園中
園樹如我小
今從園外過
牆頭見樹杪
倚牆問園樹
視我可如故

山阿集

甲子

揭曉日作

我父教我讀日夜
望我貴豈料才技卑
四戰不得意今

偶齋詩草內集

卷一

四

年忽僥倖得遂高堂志
回首憶前番難禁淚頻墜
從茲當自奮磨厲成大器
父母望子心原非止一第
七齡卽失恃未知酬母恩
甘旨與病癢少未盡辛勤
今年幸登科稍藉慰嚴親
母在重泉下佳音聞不聞
兒貴縱有日終難榮母身
追封雖顯揚虛文何足云

秋日口占

書齋客談久薄暮
始得歸飢飢不能待
行行投餽師探囊幸未空
市之聊退飢倦坐倚破籠
大嚼條靡遺食畢腹果然無異在
家時人生天地閒不過皆如斯
隨地可

自安拘墟復奚爲

飲酒學陶

瓶中尚有酒夜寒且飲之酒盡身已溫卽我當眠時人生天地中貧富皆如斯隨時可行樂樂盡何必悲乘化以待盡感慨欲胡爲

我生不能飲三杯心已悻雖非酒中人頗得酒中味所恨囊屢空欲飲不能致偶爾得香醪沈飲卽酣睡無酒何妨止有酒何妨醉人生本無定隨處堪適意

學舌畊集 甲子乙丑

偶齋詩草內集

卷一

五

傷歌行

拔劍繞室行北風捲樹寒月明投筆倚窓立昏烟塞屋燈光濕男兒有志不得伸功名富貴安足論行亦傷立亦傷人生不自振何以奉高堂

凍蜨

獨宿枯枝上風霜兩不禁一寒教至此空有惜花心

煤香行

冬夕偶過宜少畊甫坐而崧祝三至遂同圍棋時新生火煤香滿室燈爲不明局未終遽去甫出門

聞大聲發於院中則少畊倒矣遂共扶掖之坐余與祝三隨亦病飲涼水坐良久始少解別後到家首痛猶若破也

昏烟塞室孤燈碧寒窓閃閃月微白子聲鈴琤不見人滿屋煤香醉魂魄心搖目眩不可言匆匆辭主同出門霹靂一聲玉山倒僮僕賓客齊狂奔相將墮下同休歇骨痠筋騰心欲絕酒腸詩膽火紛飛昂頭卻恨冬風熱一甌泉水如瓊漿斗然鯨吸心神涼支頤少坐如夢醒滿庭月影凝清霜吁嗟乎人生災殃不可測奇禍無端

偶齋詩草內集

卷一

六

經故居

一帶黃土牆兩閒破瓦屋庭前亂鳥飛檐邊枯樹密行行至敝門信步仍欲入鄰犬不吠人依依如昔日掉頭不忍住欲去還伫立依稀聞語聲半响無人出天數有聚散人生有離合半年故居耳何必生憂悵

新履穿重著故者口占

故履做難著忻然易以新新者今已穿故者依舊存物以見廢久道以無爲尊乃知天下事適用卽爲珍

雜詩

無名何必求有名何必避有名與無名皆我身外事
天地生我身與眾原無二悠悠流俗中何勞自矜異
今朝有酒錢正可謀一醉醉後欲題詩迷離不成字

秋感

秋光滿天地無處不傷心落日荒城道西風枯樹林
文章身後若憂患死前深獨立增悲感憑高淚濕衿

憶舊

但使身常在何愁氣不伸亂離三載運生死一家人
學

偶齋詩草內集

卷一

七

淺難登仕身貧莫養親寒宵思舊事無語暗沾巾

中元

壯志銷磨盡虛生廿六春無能完骨肉有淚報君親
踰躑羞逢鬼飢寒恥告人當頭秋月皎獨立暗傷神

鳴秋集

乙丑

階平摘白髮一莖題此贈之

姓字久沉淪詩才不救貧朱顏卅年老白髮一莖新
落魄誰知已飛騰莫羨人浮生本虛幻攬鏡勿悲辛

渡江楓

三馬亡五胡起一王生二君死壯哉祖生誰可比
渡江誓雪前朝恥事不能成心足喜

擊君衣

君取人頭我擊君君衣衣猶可易頭將安歸拔劍大呼天
地寒殺身易受辱難

秋曉不寐寄皆平

西風捲葉敲疏櫺寒燈一點如豆青兒啼索食婦起坐
孤衾破碎涼如冰驚迴殘夢不能寐欹枕無言自垂淚
回頭往事盡茫然煩惱懽懽總無謂年華彈指將三旬

偶齋詩草內集

卷一

八

一事無成徒苦辛丈夫虛生軀七尺聰明自愧難如人
空牀僵卧頻反側殘缸閃閃漸無色曉寒侵入愁倍增
啼鳥一聲窓紙白

月下同皆平敘九閒步

月華滿地靜無塵樹影迢迢望倍真莫道風光不如昔
同遊猶有去年人

歲餘集

乙丑

塞下曲

荷戈出玉闕遠戍崑崙東離家二十年少壯已成翁
君

王勒遠略將帥貪奇功嗟嗟征戍兒飄零如轉蓬
危峯接青天驚沙翻烈風飲馬入石澗血流層冰紅無
衣已堪嗟况復當嚴冬行將作餓殍誰暇爭邊功
掬手飲澗泉殘冰破寒齒荷爰立荒林淚下如鉛水父
母且難見何況妻與子生還知不能但願身早死
馳馬登危崖雪深馬蹄折霜重鼓聲沈風急旌旗裂男
兒受國恩臨敵當勇決拔劍脫重裘天寒戰血熱
風沙何其狂霜雪何其涼關山何其險道路何其長士
卒何其弱戎虜何其強昂首望上天涕淚沾衣裳

偶齋詩草內集

卷一

九

夢少畊

君死我未見君葬我未送心交盡如斯良朋復何用今
夕忽見君中懷有餘痛覺後憶前情對燭頻增慟黃泉
隔渺茫杯酒難重共不望君再生但願常入夢

閒吟集

丙寅

有感

生原是夢何求樂情不妨多莫妄施獨坐空齋淚沾臆
半牆斜照欲無時

聞妙香集

仲秋八月夜兩夢少畊

君死已九月今夜兩夢君豈君魂果來抑我夢紛紜憶
昔君在時朝夕同相親論詩復說賦握手權難分我性
素放蕩風月勞心神君每悲我痴苦口常諄諄自君舍
我去我情益沈淪豈無相親者良言不可聞良友不再
來藥石嗟無人何時載酒肴痛哭西郊墳

無謂集

丁卯

偶成

悽悽何所事朝夕獨悲傷有恨都成淚無愁亦斷腸半

偶齋詩草內集

卷一

十

生悲自誤廿載笑空忙彈指青年過升沈擬盡忘

羅宿集

丁卯

質女行

送女將出門女悲不忍行牽阿娘衣哭嚶嚶娘泣告女
非娘棄爾娘不棄爾娘與爾俱死娘爲爾補衣娘爲爾
裹頭速從人去勿使娘心煩憂爾勿嬾主人將詈爾爾
勿傲主人將捶爾詈爾捶爾爾勿號爾號人以爲不祥
主人將逐爾爾勿思娘爾爺歸娘使贖爾女泣告娘娘
勿思兒思兒亦不能歸思兒亦無益思兒恐娘得疾兒

歸將何依女別娘去至主人家主人有女嬌如花小怒
唾罵大怒鞭箠加終日飲泣難見阿娘與阿爺

偶成

回首空留恨匆匆欲壯時身名俱幻夢事業剩新詩已
識生無謂深愁死有知一杯聊獨醉辛苦復何辭

七夕雨中作

但得親常在何憂家道難有身當自苦不死敢求安困
頓心俱碎窮愁淚早乾涼宵未成寐剪燭自盤桓

四海

偶齋詩草內集

卷一

士

四海何年得止戈九天虛沐好恩波寇兵方報全離境
飛騎俄傳已渡河師少遠謀防枉密軍無定策將空多
豺狼滿地須除盡且莫匆匆奏凱歌

窮奇集

雨夜書懷

不死知非福偷安總自危一家同凍餒六合尙瘡痍困
頓將誰告窮愁已莫支挑燈敲枕臥窓外雨聲遲

遊仙

古今有大道陰陽分地天開闢達混沌九轉成還丹日

月灼薪炭山川添汞鉛鬼神共煅鍊人物同熬煎爐鼎
何所容十萬路八千火候何所終一十二萬年有時文
火與世界同安全有時武火發劫運開連綿維持賴仙
佛奔走勞聖賢迴還大造中變化通微元世運有降汙
至道無變遷一朝乾坤毀萬類同茫然

呼童牽白龍龍矯不肯起一怒騰龍背飄然行萬里裁
霞爲鞍靴折虹作鞭弭游戲天衢閒頃刻周四海駕馭
自有道奇材詎難使

少年慕仙道遠涉崑崙隈叩闕登閭風元雲不肯開烟

偶齋詩草內集

卷一

士

霞阻徑途難覓金銀臺琪樹半摧折元圃多蒿萊敬告
主人公良木宜栽培

大海起洪濤鯨鯢障空黑鼓鬣噴雲雷轟然震水國九
河齊動搖三山欲欲側鬼鬼蓬萊宮飄飄不安宅安得
許旌陽拔劍施神力一揮海水殷紅日無顏色

南風吹雲往北風吹雲回兩風橫相爭孤雲難去來傍
有醉仙人大笑雲何癡漠然歸太虛風烈能何爲

睡起夜將半高坐崑崙巔大呼紅日出爲我燒金丹須
臾一輪升飛上三神山天地忽分色萬物同昭然願得

留神光常照天壤間

劫至天地死運開天地生陰陽自開闢元氣常流行混沌豈晦塞開闢非昭明十二萬年中幻象成眞形寄言學仙者大道無時停

放舟渡明河星辰觸歸棹天達無燈燭明月作前導天孫裂雲羅昂然建高幃羽葆兩行排旌旆雲霓罩下界諸貴人冠蓋自相耀

淮南慕丹道清修世間鮮潛心數十年一朝得圓滿拔宅登太空仙官秩榮顯超升固美事奈何及雞犬

偶齋詩草內集

卷一

三

騰身立霞上至彼仙人家仙人恣遊戲擲米爲丹砂有砂可濟世無米難救飢勸君勿拋擲留取生群黎

高山有神仙道成長不死鍊藥成黃金靈術神無比白玉琢鼎鉉明珠飾鼎趾開鑪恣煎鍊朝夕無時止黃金信足珍神仙已如此

既不能長生又不能早死苟活天地間萬事難由已禍患逼身家飢寒損心體金丹縱可成延年枉增耻雖得登神仙終難對父母翹首望仙山浩歌涕如洗

出何對吾君入何對吾父家國兩懷慚長生亦何補

紅塵千餘丈中有一道士四時酒長春萬年詩不死山海吞胸中雲霞生腕底借問爲何人疑是太白李世人不能知棄之如敝屣

開雲種碧桃喚雨滋瑤草欣欣洞天中枝葉同美好秋來霜雪零萬卉皆枯槁靈根獨如故鮮妍不知老豈伊種類殊因地以爲寶

萬木盡凋謝寒霧迷遙空堅冰結大壑霜雪凝高峯策馬渡溟渤言至蓬萊宮

亦作連求安期公

春光何太遲爲我鞭

東風

偶齋詩草內集

卷一

古

偶齋詩草內集卷二

陽生集

宗室寶廷竹坡著

續窮樂府 并序

去年冬悲同人之窮戲作窮樂府八章以爲送窮神樂章蓋人已同言也今冬窮更甚窮居無聊復成六章以自遣所言皆已事不兼以他人蓋自顧不暇矣噫亦可以觀變矣

無衣歎

朝斷炊典寒衣空空兩袖寒侵肌寒侵肌不足歎老父

偶齋詩草內集 卷二

葛衣不掩胷

無食歎

朝無食夕無食老弱淒淒相對泣破甑然薪煎菽汁阿爺悽惶面菜色阿爺養我時膏粱酒肉無時虧

無火歎

鑪無火委席左父子縮首迎陽坐朝陽微微無暖氣老父今年六十二

無糕歎

昨索糕今索糕兒飢無糕頻哀號阿娘憐兒與寒粥兒

悲不食哭索肉阿娘撫阿兒汝爺明日煎肉糜

雪中感懷寄吳泉麓 時客保陽

朔風吹雪滿神京趙北燕南一望明寒樹接天山不見凍雲垂地野無聲兵戈空灑他鄉淚詩酒難追舊日情猶記去年梅放候驢壇相約訂同盟

我親衰老上公旬上奉養高堂憂莫供爾父飄零千里外相離異地幾時逢窮愁固結天難解壯志空存命不容在外在家同抱愧廿年回首恨填胸

窮途有淚向誰落故國無家何處歸十載干戈魂久斷

偶齋詩草內集 卷二

二

百年菽水願多違關山飄泊新愁重風月凋零舊夢非苦境自嘗甘自守旁人坐視亦沾衣

慈烏行

慈烏于飛垂其兩翼哀鳴嗷嗷循野求食求食不廉君休譏巢中有母猶朝飢

阿洪生三年授以五絕居然成誦感而有作

我生廿八歲耽詩空勞心爾生兩載餘亦復知謳吟告兒休自誇恐兒如阿耶

入官集 戊辰

放榜日作

竟得成進士及我親在時喜極反成悲涕泣雙漣而阿
母死已久老父年亦衰屈指數往事氣噎心肝摧家門
遺不幸中途悲式微父子迫飢寒甘載同流離艱難與
險阻閱歷嘗無遺今年更窘迫已拚是死期疾病併災
殃安有求名思友朋共推挽勉強同入闈臨行拜高堂
老父頻歔歔謂兒收與黜卽我生死機時乖諒難售孤
注聊一爲含泣入試院強力搜文辭深宵納卷返未黜
心已灰今日當揭曉境迫心愈危父子默相對癡坐頭
偶齋詩草內集 卷二 三

展墓作

母死廿二年兒始成進士驅車叩墓門母心亦應喜母
喜兒不見兒悲母可聞悲喜兩茫然骨肉同路人

偶成贈芷亭

上天憫窮人不使終潦倒功名不足喜身家幸得保喜
極反成悲怒焉傷懷抱青春難再來母死父已老
芷翁本高士原非功名人聞我成進士亦復增懽忻豈
伊慕榮利喜我得養親飢寒倖少免奉養何辭勤韶光
休匆匆爲我護靈椿

題錫子猷北征圖

烈火翻風塞天紫一家八口同日死隻身飛出刀劍叢
頭帶骷髏行萬里丈夫恥生還上馬重出關揚鞭過北
偶齋詩草內集 卷二 四

書扇

讀書謀仕進欲博高堂歡豈料俸已得甘旨仍艱難顯
揚盡虛語俯首嗟寒酸酒肉尙難期養志何輕言

松花

百尺虬枝拂彩霞羞同桃李鬪鮮華歲寒自有貞心在
應候何妨也作花

蓮花

風波搖撼幾經時漫詡移根在鳳池歎息清高君子品
汙泥濁水搃難離

梅花

雪魄冰魂別有姿天生玉骨倍清奇傍人但說花開早
風冷霜寒只自知

桃花

輕薄端應逐水流妖紅冶紫繞隄稠能開亦復能吹落
莫向春風笑不休

李臨淮刀

噫安得用此刀於范陽始變之日潼關未破之時強胡
百萬何能爲將才世豈少用之苦不早

和陶靖節歸田園居

余生廿九年矣性迂緩復情所學一無成本不樂
仕進而家貧親老強從事焉今年夏入翰林方喜
得微稱藉可養親而周親臺高仍不足以奉甘旨

偶齋詩草內集

卷二

五

夫士之學古入官非圖富貴以自娛也今官卑秩

散既不能宣力朝廷復不足以爲養徒藉此玉

堂金馬以炫耀閭里不亦可笑乎偶讀陶集見歸

田園居五詩不禁感愧交集爰抽毫和之意思所

至非實境也倘獲養資卽償此志

夙性耽詩酒無意希縉紳勉強求微官藉以養吾親榮

顯亦何樂奔走勞心神困身樊籠中進退同艱辛謀生

乏智巧報國疎經綸縱得養親身終愁辜主恩安得

百畝田挂冠歸故村躬畊奉甘旨永爲鄉里民

偶齋詩草內集

卷二

六

築室青山下桑麻繞庭院老親六十餘精力猶康健秋

來同行稼曳杖周環澗攜筐采山蔬歸家作晚飯飲酒

招鄰翁繞牆共呼喚醉後眠土階破笠揮作扇

三尺黃土牆五間低草屋窓前對峯巒庭後多花竹酒

熟婦同飲詩成兒代讀終日樂天倫翛然遠塵俗

農夫告春及日日來疇西荒田路行熟薄暮猶能歸明

月出東林宿鳥相與飛小犬數聲吠兒童開竹扉牽我

入室中爲我拂塵衣開釜取羹飯粗糲聊解飢

大雨三日晴荒田水盈瀆解衣挂楊枝臨流聊自浴夕